

薊州志卷之七

順天府薊州知州加七級湘水張朝琮重修

儒學學正婁陶李宗栢

同叅訂

訓導直沽馮 崑

吏 自古越潘錫榮較梓

漁陽驛驛丞樵李鄔 棠編次

候選縣丞郡人崔 顏同輯

候推管守備加一級郡人王家福家採訪

人物志

人受天地之中以生而人即與天地並列謂之三才何則天地之性人爲貴人爲萬物之至靈而况有與天地合其德者耶昔之賢相名將其勲業垂之丹青赫赫猶在人耳目聞者雖未志而已傳矣獨惜夫潛德幽光不求聞達與夫智深勇沉之志散棄於山巖墟莽之間其湮沒者亦多矣爲之列其行誼次其時序亦不使湮沒無聞也故志人物

鄉賢

夫子有言觀於鄉而知王道之易易也苟鄉之無賢何以知

王道之易易乎是知賢以鄉重鄉更以賢重矣夫賢者之歸榮故里也鄉人莫不加敬子弟咸以爲法古之所謂鄉先生沒而可祭於社者其在斯人歟

魏

徐邈志行高潔才博氣猛然能高而不放潔而不介博而守約猛而能寬文帝時爲涼州刺史務農積谷立學明訓進善除惡人咸服其威信入爲司隸校尉百僚憚而敬之遷光祿大夫進司空以老病固辭不受

晉

劉 沉字道真博學好古衛瓘辟爲椽領本邑大中正敦儒

愛士申理張華宰辭旨明峻爲當時所稱齊王冏專

政引爲左長史遷侍中後遷雍州刺史河朔王顥作

亂詔命公襲顥顥敗退保長安公乘勝追之顥兵復

振公兵潰被執顥怒甚鞭而斬之至死神色不變

魏

高 閻字閻士少有令名博綜經史下筆成章文帝時爲中

書侍郎叅朝政轉中書令給事中委以機密文明太

后甚重之遷中書監孝文帝令公辨忠佞公曰佞者

飾智以行事忠者發心以持道如玉石儼然可知景
明初卒於家謚文貞有文集四十卷其文追配高允
時稱二高

皮豹子少有武畧爲散騎常侍賜爵淮陽侯鎮長安又持節
都督關中諸軍擊宋平仇池獲其刺史胡崇之又除
都督秦雍荆梁益五州諸軍事斬宋將青陽顯伯悉
俘其衆又擊退蕭道成以功徵爲尚書又禦宋將殷
孝祖於清東大敗之擢爲內都大官卒賜爵淮陽王

謚襄子道明襲爵

皮懷喜乃皮豹子之次子官都督秦雍荆梁益五州諸軍事
鎮仇池申布恩惠敵人大悅徵爲南部尚書賜爵南
康侯討平叛羗楊文度柳梅遷豫州刺史卒

平 恒字繼叔多學博聞安貧樂道徵爲中書博士又爲幽
州別駕妻子不免於饑寒自周至魏歷代帝王傳代
之由貴臣陞降之緒皆撰錄品第高下是非名曰畧
註合百餘篇後遷秘書令卒贈都昌侯謚康

齊

平 鑒字明達少聰敏讀書通大義有豪俠氣之洛陽與慕

容儼習騎射歸高歡爲懷州刺史奏請於州之西枳
關道築城以防魏兵尋魏陽剽領兵來攻時城新築
糧仗未集公竭力固守卒敗陽剽以功進開府儀同
三司官尚書卒贈司空謚文

鮮于世榮少沉敏有器幹官平西將軍以平高思政功封義
陽郡王加太子太傅周武帝伐齊畏公威名以瑪瑙
酒杯相送公卽擲破周兵入鄴諸臣俱降公獨在臺
前鳴鼓不輟遂被執周人百計誘之降不屈見殺

唐

魯 炘長七尺餘畧通經史以廕補羽林長哥舒翰引爲別
奏安祿山反與賊將武令珣戰敗走保南陽賊使哥
舒翰招之不從乃令田承嗣來攻城城中食盡得中官
曹日昇運糧濟之與賊相持一年至人相食公乃率
衆突圍走襄陽田承嗣追至公力戰反獲大勝賊乃
引退賊欲剽掠江湖賴公扼其衝賊不敢犯故江湖
得全策勲封岐國公後又同九節度使圍安慶緒於
相州賊平徵爲散騎常侍兼金吾大將軍卒贈工部

尚書

後唐

趙玉客於滄州依節度使呂兗時劉守光破滄州盡戮呂兗親屬兗子琦年十四趙公負之而逃變姓名丐衣食時教護待之如子及琦仕後唐爲端明殿學士而趙公已卒矣

李承約字德儉明宗時爲荊州節度使招降反叛毛璋明宗大喜遷黔南節度使勸農桑興學校及去任黔民乞留後官至左衛上將軍

張希崇少好學通左氏春秋爲靈武節度使不喜聲色善撫

士卒恩威並著人皆悅服明宗詔褒美之

後漢

邊歸謹字安正弱冠以儒學稱仕漢歷禮刑二部侍郎時史

弘肇怙權專殺大臣計成風邊公上言曰邇來有匿名

書言及風聞言事無不長善有傷風化遂使奸吏得

以私報私仇讒夫得以肆其虛誕請嚴行禁之漢亡

後漢書卷之九十四書室蒸極富而士又遷

後漢書卷之九十四書室蒸極富而士又遷

後漢書卷之九十四書室蒸極富而士又遷

下何不殺之次日伏闕請罪世宗知其廉直剛介言
多忤物命釋之仍於閣門外罰飲數爵宋初遷刑戶
二部侍郎致仕歸

後周

竇禹鈞家素豐性仁慈與其兄禹錫俱以詞學名年三十無
子夜夢其祖其父謂之曰汝宜早行善汝不但無子
而且壽不永竇公夢中拜而受教家有僕盜用錢二
百千慮事覺有女年十二寫券繫於女臂云永賣此
女與本宅償還所負錢遂遁去竇公看券甚憐之其

女及笄以二百千錢擇良配嫁之僕聞而還泣訴已
罪竇公不問僕父女圖竇公像晨昏祝壽又元夕遊
延慶寺得遺銀二百兩金三十兩持歸明日詣寺候
失物者須臾一人涕泣而來問之乃曰父犯大辟徧
懇親知貸銀將贖父罪昨醉於此而失父罪不得贖
矣竇公驗其實還之復又贈其盤費凡舉宗親之喪
二十有七嫁孤貧之女二十有八故舊窘困貸以金
帛俾之販鬻爲活者數十家四方之士賴其舉火者
不可勝數每量歲之所入除日用之外俱以之濟人

於宅南建書房四十間聚書數千卷禮文行之士爲
師四方之士有志於學者聽其自至後復夢其祖若
父曰數年來以汝有陰德名掛天曹增壽三紀五子
皆顯仍以福壽終陰陽之理大抵不異善惡之報遲
速之間耳從此愈積陰功後五子皆貴顯竇公仕至
右諫議大夫年八十二沐浴別親戚談笑而終

宋

趙

贊字元輔父延壽尚唐明宗女封燕王公幼聰慧明宗
甚愛之常曰此兒令器也公七歲應神童舉明宗詔

曰都尉之子太尉之孫幼能讀書弱不好弄克彰廷
訓宜錫科名可特賜童子及第仍附禮部春榜晉天
福三年命公奉母歸蘄州遠用爲節度鎮河中後仕
周爲龍武統軍從世宗南征拔濠城授保信軍節度
盡除苛政務從寬簡宋開寶二年從征太原改鎮鄜
州封衛國公卒贈侍中

趙文度後唐時舉進士歷徐兗陳許四鎮從事漢時官至中
書侍郎平章事加司徒與郭无爲不協出知汾州徙
嵐州宋征嵐圍甚蹙乃降授安國軍節度使徙華州

又徙耀州歷三鎮而卒

馬全義善於騎射宋初從征李筠太祖召而問計公對曰筠守孤城若併力急攻立可殄滅倘緩之適足以長其奸太祖曰此吾心也卽麾兵急攻公率敢死士數十人乘城扳堞而上飛矢貫臂公拔鏃臨敵士氣益奮遂拔其城以功遷左相都校領江州防禦使尋因疾卒年三十八贈檢校太保大同軍節度

高彥暉仕遼爲瀛州守將周世宗北征以城降遷耀州刺史宋伐蜀公爲先鋒都指揮使又同田欽祚討全師雄

至尊江賊據隘路官軍至遇伏不利田欽祚懼欲遁
又畏賊踞其後乃詰之曰公食厚祿遇賊畏縮何也
高公乃復麾而進田欽祚乘此遁去公獨與麾下十
餘騎與賊戰皆死年七十人甚痛惜命優恤之

馬知節字子元以父全義廕補供奉官年十八監彭州兵兵
士憚之如老將又監潭州兵時何承矩守鎮以文雅
飾吏治公甚慕之因折節讀書旣而護兵博州完城
繕甲儲積芻粟吏民以爲生事忽遇遼兵至王師連
敗至博州遼人知其有脩退去徙知定遠軍時議欲

令河南之民輸餉河北公對轉運使樊知古曰軍少粟多簸其紅腐尚當得十之六七知古從之果獲粟五十萬斛分給諸軍省河南之役有部民入保避寇兵有盜其首飾者護軍笞而遣之公曰民避外患而來及罹內寇不治何以肅下卽命斬之又詔命同王繼恩討反叛李順王繼恩恃勢自任惡公不附已付羸兵三百遣公守彭州至彭賊兵十萬夾攻公力戰難敵卽橫槊潰圍而出遲明援兵至復擊之賊乃潰去太宗聞而加益漢州都巡檢劉盱作亂連下二十

州縣公領三百人追至蜀州與戰遂殺劉豸知秦州
州有羌質此有二紀矣公曰羌亦人也豈不以歸悉
遣之羌人感激再不犯塞秦州有銀鑛久竭議領弗
給更必破產償之公三上章請蠲遷知益州兼水路
轉運使時歲運蜀物踰萬計每令富民以手運坐沉
溺之患破產賠補者甚衆公請代督蜀人之困稍蘇
徙知延州有言邊寇於上元節至公命張燈大開關
門累夕宴樂寇懼不測卽引去又徙鎮州詔發澶魏
等六州糧輸鎮州時兵交境上公曰糧來是資寇也

止之車駕至澶淵王超屯兵真定不至公遺書讓之
王超方出兵尤以中渡无橋爲辭公脩材木一夕而
橋成召爲僉書樞密院事時大臣多言祥瑞公獨不
然之進樞密院副使王欽若時爲正使公薄其爲人
未常少屈每廷議得其不直必面詆之出爲潁州防
禦使知潞州移知天雄軍詔知樞密院事以疾乞歸
卒贈侍中謚正惠

趙普字則平初爲滁州判官太祖入滁與語大悅適獲盜

至命盡殺之公請訊而後決內果有寃誣者十之七

八得全活太祖竒之以爲樞密副使尋卽遷侍郎同
中書平章事公旣相以天下爲己任太祖倚任之事
無大小悉咨決焉計无不從公少習吏事寡學術太
祖勸其讀書遂手不釋卷卒封韓王謚忠獻

竇儀字可象禹鈞長子十五能屬文仕周爲翰林學士宋
遷工部尚書兼判大理寺奉詔重定刑統三十卷再
入翰林知貢舉卒贈右僕射

竇儼字望之禹鈞次子幼能屬文旣冠舉進士仕周爲右
補闕修三朝實錄加集賢殿學士判院事公上疏論

歷代致理六綱一曰明禮二曰崇樂三曰熙政四曰
正刑五曰勸農六曰經武禮有紀若人之衣冠樂有
章若人之喉舌政有統若人之情性刑有制若人之
呼吸農爲本若人之飲食武爲用若人之手足斯六
者不可斯須去身也世宗聽納之詔命考正雅樂乃
校鍾磬筦籥之數辯清濁上下之節復舉律呂旋相
爲官之法迄今遵用之拜爲翰林學士太常寺宋遷
禮部侍郎凡祀事樂章宗廟謚號多公撰定人服其

該博

實 侃禹鈞三子登進士與兄儀儼同榜文行並優仕至起

居部

實 侃字日章禹鈞四子初仕周爲絳州防禦判官宋遷右

補闕知來州太宗領開封府尹時選公爲判官尋出

爲彰義節度判官太宗卽位召爲比部郎中時議北

征公議休兵牧馬以徐圖之太宗從其言加樞密直

學士遷左諫議大夫擢叅知政事卒太宗車駕臨哭

贈工部尚書

實 僖禹鈞五子仕宋爲左補闕子謹湯誥俱登進士

許 顯 爲 晉 秀 異 十 三 能 文 善 於 詞 賦 初 詣 貢 部 與 呂 蒙 正
齊 名 歷 官 御 史 中 丞 用 法 寬 恕 時 稱 長 者

宋

疇 字 叔 寶 少 好 學 舉 進 士 官 侍 讀 漢 時 同 趙 贊 至 南

宋 初 爲 開 封 府 推 官 時 太 宗 領 府 尹 甚 禮 遇 之 及 卽
位 授 太 子 洗 馬 遷 太 常 寺 丞 擢 諫 議 大 夫 叅 知 政 事
遂 與 李 昉 同 拜 平 章 加 門 下 侍 郎 昭 文 館 大 學 士 尋
以 外 事 中 傷 見 疑 遂 報 罷 卒 於 家

楊 崇 勳 字 寶 臣 眞 宗 時 發 周 懷 政 謀 傳 位 於 太 子 逆 謀 擢 桂
州 觀 察 使 仁 宗 卽 位 授 振 武 節 度 兼 樞 密 副 使 進 樞

密使因上章懇懇不至御史劾罷之以使相判許州
遼人將渝盟詔擇將脩邊公自請行復拜同平章事
判定州坐其子宗誨紙贓貶右衛上將軍致仕改太
子太保卒贈太尉謚恭毅

遼

南 抃仕遼爲少府少監知秘書少監

韓知敬仕遼爲中書令佐國之臣鮮與之倫

韓知古善謀有識量仕至中書令時遼初立國文禮疎濶公
爲之援據古典參酌國俗以定禮制由是文質咸宜

韓匡嗣官至西南招討使卒贈尚書令

韓德讓有威儀明治體爲政事令得幸於蕭太后賜姓名耶律隆運拜大丞相封齊王

金

韓玉以經義詞賦兩科進士入翰林爲應奉應制作詩一日百篇文不加點嘗作元勳傳章宗嘆曰勳臣何幸得遇此筆後以建言開潞水漕渠舡運至都陞陝西東路轉運使

木甲法心貞祐時爲提控與同知順州軍事溫廸罕唆查剌

守密雲元兵於蕪州執公家屬以示之令其速降遲則卽殺家屬公曰吾事本朝受厚恩戰則速戰必不降也豈以家人死生爲計耶城破公死於陣温廸罕咬查刺被執不屈死詔贈公爲開府儀同三司樞密副使封宿國公樹碑時祭

元

鮮于樞能詩文尤精書翰官至太常典簿所著有困學齋集名擅一代

李衍博學多技尤善枯木竹石著有竹譜今傳於世

浙江行省平章政事卒 謚文簡

曾 德宗聖曾子五十七代孫 父仲祥 挈家居襄陽 宋末城陷 與繼母左氏相失 公求之五年 乃於廣海得之 奉迎以歸 孝養甚至 事聞 旌表

明

崔 富 字教之上 醴泉人 正統辛酉舉人 知鄧州 改知南通州 陞兩浙運司同知 賦性剛正 居官冰蘖 年未六十 卽求退 及歸之日 獨策一蹇 行李蕭然 如布衣 時公學問該博 又工詞賦 增修家禮 集說重較 聲律發蒙

刊教民條約著鹽政一覽卒年七十有四子孫綿長
科甲不絕人謂公之令德所衍

李素正統七年歲貢任浙江臨安知縣以德化民民嘉其
爲良吏

賈斌貢生爲鴻臚寺鳴贊爲人小心勤慎動無所苟弘治
年親朝忽大雨群臣皆失次惟公肅容鵠立孝宗器
之陞禮部左侍郎進尚書賞賚不可勝計正德改元
致仕歸處鄉黨如布衣時有公事詣有司惟乘馬側
行時年捌拾有伍有助之輿夫終不受

王鸞字鳴世鎮朔衛人舉人任陝西鳳翔府同知持身儉約勞心撫字民皆感之

劉聰蘄州衛人字守愚有友人毛欽病革以後事托公公爲之舉二喪婚嫁其子女任兵科給事中爲會試同考官所取皆名流時稱兵科爲錢窖公獨持風力請託不行上章勸孝宗早視朝以勤政事止傳奉以抑奔競皆嘉納之陞湖廣叅政承勘南渭王長子獄論死者五人公廉其誣悉縱之竟抵長子罪遷山東布政德王府造坟民苦其役公監修悉心經畫不三月

而告成凡故舊告急無不周之巡撫宣府留心邊務
境內肅清旣而致政歸以壽卒祀鄉賢祠

史

俊居醴泉鄉貧而好學成化時登進士歷吳縣知縣松

江府同知有惠政民啣其德爲立去思碑陞常州知
府遷陝西按察司副使致仕養親里居蕭然依然寒
士人服其高潔

歐

信進士任戶部主事賑荒京西蠲逋負萬計活飢民萬

人署郎中事時權貴有請河東鹽十萬引衆不敢出
一語公獨持不可督餉大同增置東大有金粟幾而

糴不數歲贏五十餘萬石劉大夏巡撫至嘆曰典邊
儲者盡如歐郎中吾無此行矣中官樊德趙宣上言
保定河澗有隙地可作皇庄公往看力白其妄乃止
陞浙江叅政歷河南山東布政俱有賢聲巡撫大同
選將訓練經理屯牧修舉廢墜未踰年以勞瘁卒

燕 忠字良臣蘄州衛人進士任常州寧國推官讞獄多平
反有民賈於江淮間怨家嗾其僕殺之囚盜其貨罪
人久不得公廉其情誅之陞御史以災異上言親賢
納諫重名器節財費嚴賞賚諸事言甚剴切孝宗嘉

納之巡按陝西發奸摘伏風聲凜凜莊吏望風解組
陞環慶兵備副史轉山西苑馬寺卿陞按察使禁和
賈節妄費民間有冰玉之謠進布政使以簡靜爲治
陝人逆璫劉瑾方柄國公獨不拜其墓且無所饒瑾
卿之卒不能害巡撫宣府改大理寺卿執法秉公貴
近請託一切拒絕辨知州國崑之冤正胡某殺父之
獄皆逆鱗忤權貴人爲公危而竟從公之議江西藩
臬交惡獄久不決蓋因寧濠主之也公奉命往按獄
成人無異言公爲人狷介峭直寡言笑不輕交際人

望而畏之有包孝肅趙清獻之風居官三十年卒之日囊無餘蓄吏部奏其剛正得大臣體法應贈典追贈刑部尚書

張寶舉人任舒城知縣受民節用民以殷富陞亳州知州扶弱鋤強豪右歛跡人咸懷之

李莊上貢鬻人以進士歷宰監議華亭俱有異政陞伊府長史輔導莊王勉學睦宗君巨相得甚權授嘉議大夫王薨受顧命宗藩紛求嗣爵公獨奏濟源王嗣之請名定封安鎮危疑公之功在社稷不能盡述子孫

屢世貴顯

楊 臣平醴泉人少年奮志苦攻舉業早掇鄉薦任山西石

州知州歷江西瑞州府同知鹽運司運同清介有聲

鄉評推重

朱 昭鎮朔衛人進士兩任縣令遷罔貳出守黎平德政多

端居鄉恂恂人稱長者題祀鄉賢子孫書香綿遠

歐思誠信之孫通判弘惠之子生而靈異十歲能文儒士聯

捷初宰朝邑行取爲大理評事轉知東昌府時運河

淤塞公建議疏決獨任勞瘁不爲權貴阻撓六月而

工告成全漕有賴竟以憊直忤時致政歸而卒

歐思賢思誠胞弟進士宰合肥值歲歉人民凋瘵遺賦甚多

公招撫黎民還定安集墾荒納稅積遺頓紓民不稱

薦建祠祀之者最轉兵部員外郎勞瘁成疾卒於官

李 秋下醴泉人進士任行人轉御史歷宣府大同遼東巡

撫賢聲大著考滿受封致政歸睦隣親族不以貴挾

人題祀鄉賢子孫仕宦不絕

侯 東營州右屯衛人舉人初宰新鄉捐俸修橋數省稱便

復令海豐愛民好士人甚懷之子孫繁茂繼世書香

王 極營州右屯衛人天性峭直以進士授西臺彈奸劔暴

時稱鉄面歸里杜門掃軌不通公謁

莫 疇上負里人進士為工曹主政遷樞曹郎乘憲大同陞

遼左大叅經文緯武風猷宣著以邊才課最致政居

鄉與俗無忤子孫書香繼美

崔 棟蘆州衛人由進士筮中書遷栢臺持斧楊州禦倭有

功請築湯城以為保障揚人德之而立祠焉主試陝

西浙江為國羅賢如沈一貫朱賡輩皆一時名流及

居鄉持身以禮非朝賀不入公門壽八旬卒

王汝正下體泉人進士由節推歷西臺遷泉憲直道難容恬
退歸里出入不乘無異布衣時親故蒙周者甚多

毛 鋼倫之孫進士授汝寧推官持廉秉公寘崇藩校於法

崇王恕以刑威嚇之公神色不變王加禮焉歷樞郎
守杭州秉憲浙江蕩平曠寇晉秩禮部卿巡撫鄖陽
陞大司馬地官卿經國充裕致政歸家居距城十里
不入公門好學益篤課徒十餘人後先登第待姪維
騶如子亦登科甲置義田以周內外貧族闔里德之
士民公舉題賜鄉賢子孫繁衍奕世書香

李 穰進士授主政兩任僉憲除礦弭倭廉直最著掛冠之日囊篋蕭然子孫及姪俱成文武世家

高 思鎮朔衛人少負文望數奇黜額以歲貢任廉價公廉仁愷悌民恒去思居鄉寬恭溫惠屢舉鄉賓

吳道東中安和人英敏博洽髫齡廩於庠以歲貢授行成令善政多端載青城名宦志中致政歸承家學年以孝聞居鄉長厚好施二弟奕奕善香

崔 接歲貢知大寧縣持身廉介撫字多方折獄惟明待士以禮民爲之立去思碑居鄉紳有盛德子孫多領科

貢

成憲少穎異登進士授庶吉士歷編修爲同考拔名士經

筵日講纂修國史賜一品服肅封嘉德王陞南京祭
酒後歸林下捐資修鼓樓館穀貧士數十人各贈義
田歲贍以金帛文章博洽一時著作皆出其手

毛維雍性耿介有俠氣學宮傾圮慷慨貸金千餘修之登進
士三歷縣令治績奏最所在去思爲地官郎督創宣
鎮忤時不合中傷解組里居時飄然豪宕揮灑成文
贍內外族以義田周鄉人之婚喪不舉者公舉鄉賢

侯國安以歲貢分教深州歲大稔餽遺不受且以俸贍貧士繼而諭靈壽士有婚喪不舉者多捐助之復授山海會礦稅正行人將發難公以致政還不三月而難作人稱其見幾

盧以茂鎮朔衛人性韶秀更博學舉人任南昌別駕進知睢州俱有善政公餘則執經課士寒暑無間每至八十
三歲而終

張文炳上醴泉人舉人宰范縣捐俸代民償逋范人陳於學公急力勸課人情翕然以艱滿補令襄城其善政一

如治范兩邑士民俱爲立祠致政歸兩袖清風杜門
著書時有闕關使者公之年友見公居湫隘欲爲更
之公勸色力沮乃止其節操如此且加惠後學凡登
科田者悉出公門子孫書香不絕

許一誠 蘄州衛人弱冠敏豁軒舉有大志登乙榜任儀真令
以卓異遷守高郵比前政更美濯厲知淮安築黃河
有功致政歸著曰行方便銘以警世子孫綿衍未艾
張士英 鎮朔衛人純雅博學爲多士景附一時登科甲者皆
出其門處異母弟愛若同胞自置產業與弟均分由

選貢兩歷府幕清介不染致政歸尤甘淡薄教子成
名壽七旬而卒誥封戶部主事

廬養浩生而韶秀爲文多奇氣登乙榜任臨汾孟縣所在事
治民安因忤時致歸以家政付之于子公乃日事吟
咏超然物表待弟養明極其友愛諸妹尚爲奮奮擇
配名門又瞻弟婦及孤姪教之成人子孫繼美

姚鎮方蘄州衛人由乙榜舉再拔慈祥愷悌民稱之爲真父
母歸里時信真率平易近人待弟友于鄰睦本族周
給貧里有古長者風繼室安氏載節婦志中

滕一龍 薊州衛人天資純厚沉酣經史由科榜令獲嘉調平
順陞兗州別駕愛民禮士三地一轍居鄉恂恂若樸
依然寒儒氣象人咸稱之爲長者

李致和 鎮朔衛人少孤事母至孝登乙榜等縣修泃河一
道漕艘賴之薦擬奏最因忤時掛冠而歸鄉人重之
吳可願 氣局璘珣胸襟瀟灑登鄉薦令涉縣善政善教民戶
祝之讀禮回籍足不出戶課子十人俱書香繼美

張元方 鶴體松姿遺塵獨立爲人若不勝衣言訥如不出口
如臨大節則凜然不可犯事母至孝待人惟謙潛心

理學不窺園戶登進士爲魯府李官禦白蓮黨有功
調鞏昌司李執法不阿仕至天曹主政書香不絕

王 舟平谷縣人少遊庠慕麟經就正於郡師友因移家於

蘓登進士歷固始嘉定令以退倭寇功遷戶部主政
因疾致歸遂爲蘓之世族繼世書香

李孔昭字光四博洽群籍能詩善書登進士隱居林泉不干
仕進孝以事母娶王氏舉人治之女荆布甘貧親奉
藜藿孝事孀姑以順承夫志公失偶不再娶授徒灤
蘓漢沽間嘗講盡心章倡明理學其誨邇刻爲材造

就

國朝直隸撫院宋公權疏薦以養母辭不就按院陳公悱疏薦以病辭其囑後事惟曰生順沒寧公誠有子陵之風淵明之守門人私謚之曰安節先生康熙二十六年五月學院李公應薦批允入鄉賢祠崇祀云已故進士李孔昭惇行無忝潛德可風養志承歡堪補南陔之缺安貧樂道無假北山之移闢心性之真傳衍聖賢之奧旨崇祀允宜尸祝不愧旌曰燕山處士今其子李穰能世其家學

蔡宗德坊市里民敦朴勤儉煮海致饒好行施捨捐資助國
奉命建坊以子秩授鴻臚壽八十七終子孫皆貴顯
王 永以例監任夏縣二尹蒞民廉謹因擒賊功陞臨縣令
老而告歸德重鄉評後嗣顯發

屈 伸生員渾厚謙恭兼隆孝友母故父收婢妾能以母禮
事之弟仕屢迫分炊必泣誓同居鄉族中從無間言
卒妻歐氏苦志撫孤詳於管烈志中子領鄉薦

毛維鷹以生員歷事鴻臚性朴寔重義好施貧族賴以舉火
者甚衆屢舉鄉飲賓教子有成科貢不絕

李進忠下負鼎民篤行好善勤儉急公族有逋賦代爲輸納
貧者貸以財物亦不責償有長者之風壽八十二而
終子登科榜

石景星蘄州衛人生員鯁直長厚安貧守道親有疾日夕侍
左右晝夜不息者累月凡遇人婚喪之不能舉者量
力助之訓子登科第

高 蘭生員爲人敦朴動止循禮人或以橫逆加之則受之
而不報教子有成

賈文運幼饒文學歲薦後卽居州之南村置義館嘉惠後學

一介不取與壽近九旬謙謹猶如平日允爲一鄉師
範子六人各以文武起家

蔡 瓚生員幼失怙卽知母尉氏爲已苦守萊彩承歡無有
數時遺姊妹三人俱未嫁多方承事擇配檢粧曲盡
其道有妹蚤亡遺孤女撫養聘嫁一如其母之儀子
二人俱以書香世家

李 信字中孚爲人正直學識廣博三秉教鐸弟子多名流
李邦彥字仰監在山西臬司炤磨勤慎有爲撫按交章薦陞
宰河曲歷嵐縣平遙皆訟平賦均民咸德之遷守鈞

州流賊橫行而不敢犯其境鈞人德之爲之立祠

程

天祐
天才

乃昆季也二人秉性俱謹恪誠朴崇禎壬午時屍骸

遍地白骨滿目捐已資買地爲義塚收埋無主骸骨
數萬有奇順治十年歲飢死者相枕又捐已資買地
作塚掩埋遺屍郡人進士李孔昭作文於碑以紀其
事碑現存文載藝文志中翰林章雲鷺爲之立匾曰
倡和爲志云循道李公中 梧旌匾曰鄉評夙高

源

13



源

14

1

孝義

大孝格天者尚矣自茲而後或以純孝稱或以至孝聞無不可以召風雷泣鬼神感物類維風化也古人有言孝者所以事君良有以也求忠臣於孝子之間豈徒然哉

杜 輔父老且瞽永樂初遼東兵攻陷薊州輔卽舍其妻負父而逃事平而回其妻亦克保其身而歸人以爲孝感所致

孟 振父病亡振哀毀幾滅性廬墓三年塚上栢變爲松白雀巢於上人咸以爲孝感而然事聞旌表

鮑 本事母甚孝凡濕清定省之節毫不敢有失里人重之
楊 景蘄州衛百戶其父以文守禦崖口失機論死景陳情
請以身代父得獲免

張 廣蘄州衛人父病篤醫者言必得人肝和藥以進乃可
愈廣遂引刀剖腹割肝和藥與父服之病卽愈廣亦
復生人皆以爲神異

歐 俊父早沒繼母邵氏性最嚴俊必務得其懽心母病爲
母嘗糞改藥能痊後其母亡遺子倫信二人俱幼俊
友愛甚篤擇師教之倫及信皆登仕

李誌天性至孝母疾願以身代出貢生任山西平定州知州寬厚廉謹人稱其循良後卒於官百姓哀之如失父母子孫俱舉子業世其家

李致中生員李直之子直故時致中與其弟致和俱甚幼母潘氏苦節撫育二子頗之稍長竭力事母篤志好學以成母志母年六十三而終二子哭盡哀三日甫成殮適隣火逼其母之柩致中致和負柩避火力不能勝被柩壓傷手指足指斷落非一哀動路人勿藥而愈廬墓三年克盡哀毀之禮會有恩詔公舉潘氏苦

節二子孝行撫按題請建坊旌表坊曰節孝聯芳

李秀上負隅人父病秘結秀吮腸得通其兄無後遺產毫
不染指以之盡周貧族客有遺金全緘還之子二人
一成進士

馬奇生員學問該博與兄章友愛甚篤章有疾奇親俱藥
餌昏夜不寢告天願捐己壽益其兄及章亡奇哭之
喪明而終

姚鎮雄蘄州衛人處鄉和睦樂善廣施修途葺橋以濟行人
義重鄉評公舉鄉飲旌匾曰耆德碩望壽九十六終

賈 鉞下負閭民重義輕財濟人利物每有便於人者必樂
爲之里中公舉其美旌匾曰天壽平格壽九十四而
終子五人孫二十一

孫育豪貢士居城南二王庄以義田贍其族之貧者而代輸
其徵人或有求無不輒應不計其償亦併不施其勞
更捐資作津梁以濟行旅誠德盛之善人也故其子
孫文武二途世其家

劉 淮居州南常口庄敦厚力本德齒兼隆族里美之稱之
上臺其子廷寶亦能克繼父志

王時可鎮朔衛人安貧樂道和鄉睦族三舉鄉飲賓旌匾曰
德劭崇褒壽八十而終子孫繁茂

賈國賓生員幼饒文譽行誼端莊有犯觸者毫不與之校使
人自愧故里人遇有過失恐使聞於賈公以爲耻凡
有貧而不能葬不能娶者咸周濟之不責其償父病
伏床親嘗藥餌送終哀切感動戚里公舉優行文宗
旌匾曰一淑百善學師匾曰孝義可風子孫方綿奕
世書香乃盛德所致

林望生員存性朴厚長於文學士林夙重之子美克紹前

徽一德無間孝行稱於閭里式穀貽於後人子孫繁茂顯貴乃世德之所致也

王洽生員聰慧英竒博通經史端方溫厚孝友兼稱誠爲一鄉之楷範也故其子若孫皆登仕籍乃天之所以報善人而又勉人爲善之意焉

趙鎮嶧下負鴻民詞其兄生員鎮徵奉養父國瓔母楊氏至孝母疾鎮嶧等竭力侍奉母故而葬鎮嶧結廬於墓而居朝夕悲泣三年如一日鎮徵在家奉侍其八旬之父里人公舉旌匾曰克報罔極

燕火三

卷之七

二十九

節烈

烈女節婦得坤之貞柔而能立借巽之德順而克正者其有光於史冊也不既多乎此其間或從容而就義或慷慨以殺身迹雖不同歸潔其身而已矣彼世之文婦有殺身成仁舍生取義者不惟無媿於鬚眉丈夫炳炳焉與日月爭光可也

明

劉氏有松江人其夫失其姓名以罪戍薊州詐稱無妻遂娶劉氏爲室後遇赦欲歸乃詒劉氏曰吾誓歸省卽來久而不至劉氏抵松江訪之竟不認劉氏乃仰天

哭曰良人棄我我將何歸獨有傲死伊前耳遂剪髮
爲尼行乞於市人多憐而賙之乃製一棺夜臥於內
如是五十餘年一日隣火起劉氏入棺呼曰乞爲蓋
棺以畢吾事遂與俱焚

馮 氏東平州人適薊州王清臣至正末避兵於黃崖東峪
衆皆逃散馮氏與子匿草莽間爲邏卒所獲欲汙之
逼以兵刃不屈乃欲殺其子脅之馮氏執愈堅母子
遂皆遇害

劉 氏李彥實妻彥實早沒家甚貧乏子舍兒尚幼劉氏誓

不更適舍兒既長娶楊氏爲室未久舍兒故劉氏楊氏姑婦相依以貞節自持至老不渝旌爲雙節

王氏崔奉先妻奉先早亡王氏守節不二洪武年旌表

柳氏許嫁主事趙野未婚而趙故柳氏誓不他適其兄將奪其志不從後有疾不服藥人勸之藥柳氏曰我未亡人也今年踰半百得死幸矣遂沒

韓氏蘄州衛千戶李真妻真早亡子麟甚幼韓氏守身教子俱有禮法事聞旌表

寇氏蘄州衛人張俊妻俊沒寇氏年二十一歲貧苦萬狀

親屬勸其改適寇氏以死自誓老而不渝

崔氏營州右屯衛軍餘錢起妻生子利用肯遺錢起沒崔

氏年尚少家甚貧矢志守節以女工易食撫養其子人或欲奪其志崔氏以死自誓終不渝節

劉氏興府紀善徐用妻年二十九歲而徐用卒守孤子來庭撫訓兼施遂得成立爲庠生氏年七十餘而終

劉氏義民官孟時妻年二十而孟時沒子于喬繼生四月氏立志撫孤苦守後于喬爲德府典膳氏年七十終

方氏生員趙元亨妻元亨故氏撫是孀勵鼓絕數四以繩

繞棺跪伏縊死旌貞烈坊

劉氏十六歲適縣丞朱孔思孔思年已五十餘矣嫁甫八年而孔思病劉氏割股醫之不瘳而故氏引刃斷頸慷慨殉之題建刎頸殉夫坊

馬氏生員歐士龔妻二十六歲而士龔沒悲號欲絕不食五日親長見孤呱泣歡解之乃孀守五十餘年貧苦自甘八十八歲而終題旌堅坊三節凜冰霜

潘氏生員李直妻直故氏引索齒刃欲身殉親屬力解方甦堅志守節甘貧教子待庶子致和勝於己出後致

和果獲成名題旌建坊曰節孝聯芳

毛氏生員邵思明妻二十九歲而寡其子養純甫六歲氏

紡績撫之得遊庠氏壽八旬時當道旌曰志貞從一

窻氏民李大熿妻十九歲大熿故二子尚在襁褓窻氏單

子饑寒撫子俱成立年七十二監司旌之

安氏舉人姚鎮方繼室二十九歲鎮方故哀痛欲殉因子

延年尚在襁褓乃矢志苦守撫子入泮姪孫永年舜

祚俱同家教讀婚娶分產一如已出一女適崔門孀

守三十餘年以壽終題請建坊旌表

張氏生員崔格妻二十歲崔格故家貧勤女紅以養舅姑
題旌節孝之門

歐氏生員屈伸妻伸故時氏年二十八翁姑年逾七十遺
有子女五人乃治針綉鬻葬雙親憑泔浣咸活孤幼
教子允元登科旌匾曰貞節

莫氏郎中毛維騶妻夫故時極其哀毀茹藥飲冰撫前妻
孤若己出嚴訓諸子俱成立旌匾曰節是風世

李氏武庠生劉繼祖妻夫故家業貧乏孤子名閣甫三歲
親族每爲虐害氏甘苦訓子遊庠且令子謙和睦族

不修宿怨里人頌之爲賢母壽七十餘而終

苟氏知縣崔接繼妻夫故時年二十九奉寡姑以孝撫前

妻之子希淹希淵如已出教幼子希參俱遊庠歷四

十餘年壽七十二歲而終旌匾曰節凜冰霜

郭氏崔敏妻夫故遺孤銘纔六歲家徒四壁食不舉火操

女紅以贍訓子遊庠壽七十二歲而終

苑氏李士銓妻夫故時家業消乏訓子苞及華俱爲庠生

院道給匾曰名媛芳聲

張氏營州衛指揮袁純妻二十四歲夫故甘貧苦守撫五

子俱有成按院旌匾曰貞慈儀世

王 氏蔡瓚妻二十九歲夫亡哀慟至死者再四堅志苦守
訓子光春陽俱成立壽至七十餘旌匾曰貞節

張 氏生員劉應元妻二十一歲夫亡子一女無出繼叔子一
人以守節針工度日撫繼子成人壽七十四歲旌匾
曰貞心比石

寧 氏生員寧登妻夫故家貧無子苦志守節壽七十餘終
朱 氏生員杜蕃繼室年十九適蕃甫二年而蕃病不能起
謂氏曰我死爾年少子幼又非爾出爾將安之氏執

手泣誓許以必死不數月而蕃故氏哭之哀殯殮成
禮三日氏赴井欲投隣人救止遂引刃自刎鄰又奪
之乃絕粒三日閉戶自經

賈氏生員路之道妻夫故家貧妻子之貧年壽七十九
而終

國朝

康氏舉人王宸暇妻二十九歲夫亡矢志苦守撫幼孤王
懼遊庠娶于氏爲媳懼又病亡康氏于氏姑媳共守
幼孫廷瓚念康氏郡庠一門雙節世所罕有也

于氏庠生王惺妻年

歲夫亡上奉孀姑康氏下撫

幼孤廷璜遊庠食廩姑媳雙節郡中咸重之

鄭氏關廂里民張其志妻二十歲夫亡撫三月遺孤文標

奉養孀姑堅志苦守

劉氏尚義里民張明德妻二十七歲夫故撫三歲孤兒五

美成立隨又病亡又撫孤孫可稱全節

竊氏奉天人侯有才妻夫故撫子世傑世桂世強俱成立

題請建坊於薊州武定街

石氏上負隅民華良才妻二十三歲夫故無子堅操苦節

魚州志卷之六
四十餘年以姪廩生華國之子爲孫

李氏蔡久隆繼室十六歲適久隆二十二歲夫亡撫前妻遺子及己子俱成立苦守四十餘年今現存

陳氏民人王來問妻年十五適來問二十歲夫故無子苦志甘守四十餘年現今年七十餘歲此之謂苦節

梁氏民人李化醇妻年二十三夫亡遺腹生子元勳入武庠苦守四十餘年而終

楊氏俞四維之妻四維被壬午之難氏年方二十三歲長子猷六歲幼子嘉謨四歲氏于蓬門敗壁之下苦志

守節撫孤成名獻任江南休寧縣知縣嘉謨入順天
府庠生

李氏高翔之妻年二十而翔沒子士毅生未逾月氏苦志
守節撫孤成立遊庠皆氏之力也

侯氏庠生崔起鳳妻年二十三歲夫亡子崔炳方四歲氏
堅志守節撫孤成立

劉氏里民于際熙妻二十四歲熙沒守節六十二歲卒

李氏干總陳士貴之繼室二十五歲夫沒守節撫前妻之
子樞七十一歲卒

張氏上醴泉民李嘉棟妻夫亡遺子毓祥尚幼苦志守節撫孤成立現年六十七歲里鄰公舉旌匾曰栢操孟

朝又匾曰冰清玉峙又匾曰坤德昌後

流寓

一古人遨遊四方擇其善地而卽寓居焉謂之流寓不知其幾幾矣葡之流寓自田疇先生始從此而後代不乏人大率多豪傑之士志之以見葡亦地之善者也

秦

陳勝字涉陽城人少有大志常耕田忽悵然久之曰苟富貴無相忘同耕者笑之曰爲傭耕何富貴也涉太息曰燕雀安知鴻鵠之志哉二世發閭左戍漁陽涉與夏陽人吳廣爲屯長因民苦秦法遂起兵攻秦

漢

田疇字子泰齊人幽州牧劉虞辟爲從事董卓遷帝於長安虞遣疇問行在疇由間道至長安致命詔拜騎都尉疇因天子蒙塵不可荷榮寵不受得報還到虞已爲公孫瓚所戕疇謁虞墓哭泣迄今瓚怒敗之疇不屈瓚壯之疇得脫遂率宗人北隱於四正山中

魏

賈彛字彥倫武威姑臧人六世祖教爲魏幽州刺史廣川都亭侯因卽家於此

唐

薛嵩生於燕薊間氣豪邁不事產業以膂力騎射自恃後
守相州會僕固懷恩破史朝義長驅河洛見嵩器之
奏爲相衛洛邢等州節度使頗有治績後封高平郡
王號其軍曰昭義遷檢校尚書右僕射卒贈太保

國朝

戴夢熊字汝兆浙江浦江人例盜仕至湖廣漢陽府知府母
朱氏青年苦節夢熊能以孝奉養子戴文武候選通
判墓葬於薊州

謝錫袞字君章浙江會稽人例監仕至江西贛州府知府母
吳氏早寡家貧撫錫袞成立墓葬於衢州

楊逢泰鑲黃旗舉人任福建尤溪縣知縣

楊時春大興縣人任江西永鎮營都司

楊繼文大興縣人任江南山清河營守備

仙釋

嘗讀仙釋諸書未嘗不掩卷而嘆曰嗟乎虛空幻化何乃至此乎既而思之天地之大古今之遙三教何以並行至今也仙耶佛耶將無同耶有耶無耶存而不論以脩博物之一端可耳

薛昌唐舉進士天寶間止於蜀之青城洞天觀忽得商陸酒飲之耳鼻流血死三日蹙然而起身輕目朗勢欲飛舉洞見遠近節度聞之延至欲送京師忽不見

薊子訓母不夫而孕生子訓於薊遂以薊爲姓生有神異常

乘驢詣許下過滎陽止客舍驢斃子訓安坐飲食不
以爲意食畢以鞭擊之驢卽奮起抵京師座上數百
人皆爲設酒脯終日有百歲老人言爲童子時見子
訓賣藥於會稽顏色不異於今後又有人於長安市
中見子訓同二老人摩挲銅人相謂曰遠見鑄此已
近五百年矣猶乘一驢見之人呼曰蘓先生少住同
行子訓應諾視之若徐行而走馬不能及

虎皮仙狀貌豐偉顏色溫潤不知其何處人來蘓披一虎皮
冬月鑿冰而浴屠沽市餅之家爭以物飲焉之是日

獲利必倍郡人步允遷童時虎皮仙摩其頂曰爾做
我弟子勝於中進士允遷後果登第

寶積禪師行於市肆間見一人買猪肉語屠家曰精底割一
觔來屠家放下刀又手曰長史那個不是精底師於
此有省又一日出門見人舁喪歌郎振鈴云紅日決
定沉西去未委靈魂往那方幕下孝子哭曰哀哀師
忽身心踊躍歸舉似馬且祖印可之後住盤山有十
人上山九人得道之語普化乃其一也將順世告衆
曰有人邈得吾真否衆將所寫真呈皆不契師意普

化出曰某甲邈得師曰何不呈似老僧普化打筋斗
而出師曰這漢向後掣風狂去在師乃奄化謚凝寂
普化初尚不知何處人師事盤山徃狂言無度隨路行化

或城市或塚隨處而住手執一鐸凡見人必振鐸或
於人耳邊振之或拊人背人回顧卽伸手曰乞我一
文錢常於闐闐間搖鐸曰覓個去處不可得一日入
市對人曰乞捨我一個直裰人以衣與之不顧搖鐸
而去盤山僧臨濟知之使人將一棺付之普化笑曰
臨濟那厮饒舌卽受之乃辭衆曰普化明日去東門

死也次日郡人相率出城普化大聲曰今日葬不合
青烏明日南門去死明日人又往南門普化又曰明
日西門乃吉人意稍怠出視者漸少普化入棺而逝
郡人奔走往視揭棺看時屍已不見惟聞空中鐸聲
漸遠

智 朴號拙菴張其姓江南徐州人母王氏得異夢而生自
幼穎異年十五歲爲書深得禪机三十五歲至盤山
結廬於青溝其地向多虎豹樵夫不敢入自智朴開
山結茅之後惡獸悉踪人咸異之名遂大振盤山向

無志乘智朴編輯成書咸稱為釋氏董孤兼又善

康熙二十五年季冬月朔

今上皇帝幸盤山青溝禪院 命賦詩智朴立賦二首進呈

皇上下稱賞

御書十字賜之康熙四十三年仲春月

今上皇帝幸盤山智朴賦詩進呈

心大悅賜對聯端硯又和詩俱在藝文志中